

Shun 13^o Oct 1898



大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本英法德俄各國
借工本從英法德俄各國
紙各機器以待與各官紳
刊印書籍單件並有英法
體活字及各式花邊等延
西人排印工藝甚精所有
印字大小機器均用精工刊

第五千零六十七號

申報

(號七第牌門口虱巴舊在設開館本)

印工絕倫並延有文士書
寫各種文字現由上海購到
各種書籍出售其書目另行
刊佈所有各項原稿其相宜
本館所登來札原稿亦須無
世道人心者附登其有謬
礙於人而後始錄其有謬
成文以及支離費解者概不
登錄嗣後諸君來札尚祈
自諒更須寫真里而後敢
將原稿收回也本館謹白

戊戌八月廿八日

英大一千八百九十八年十月三十號(四拜號) 每張售錢五文 每月一元 每季三元 每半年六元 每年十二元

醫寓賴吉南告白 ○余自祖父傳授以來兼治內外等症奏效如神前月由唐來埠蒙 同安堂
頭家相愛延寓店內諸友如知名推薦祈到敝寓一問便悉人藥兩安百發百中此啟
大清光緒二十四年八月二十七日
同安堂謹啟

寓址告白 ○余已于丁酉年正月下浣寓在利峇峇里路門牌第九十九號茂林園屋內倘
君欲調換東賑執照每名部飯須銀二元順帶前來可也此佈 戊戌年八月廿七日 章王憲謹啟

論俄國領事請建俄文館事

俄人處心積慮謀我中國非一日矣從前窺伺伊犁經左文襄公督師新疆運籌防禦又得曾惠敏公折衝
搏俎侃侃論始得折彼鳴張之志就我範圍各守邊疆相安無事俄之不復為東道憂者蓋已近二十年
矣乃自甲申之役敗於法人甲午之役挫於日本俄遂以為中國之無人也聯絡德法以仗義執言為名逼
迫日本代我索遼遼東之地繼復自市其德要挾政府據我旅順大連灣要地攬我礦務鐵路利權又不許
我貨英人之款以自築路事雖未果而其陰謀詭計亦概可見及觀去月二十五日日本報所紀俄人請建俄
文館一事而不禁蹙然起焉先是天津俄文館附於機器局內蓋以經費不足未能專設也去年俄藩軒利
奉聘至津曾詣俄文館查閱學生功課餽遺膏火洋銀一千元旋晤前北洋大臣王夔帥勸令專設一堂以
拓規模而宏造就並由俄商薩實行東以梁家園營門外基地捐造學堂又得開平煤礦漠河金礦兩處
所延俄國礦師等捐集五千金以助其成於是專設學堂之議嗣以估計工料需款一萬五千金除已得
五千金外尚缺萬金不敷甚鉅思欲動撥庫款則以支絀之故籌措良難因循至今迄未就緒追榮制軍蒞
任後兼理俄文館事務之潘子靖觀察曾將前事稟請施行制軍以目今事務紛繁不應急其所緩向未允
准而俄人欲預中國政事其情已見於言外誠為可慮云云嗚呼俄人之心曷嘗一日忘中國哉前年在
知而俄人欲預中國政事其情已見於言外誠為可慮云云嗚呼俄人之心曷嘗一日忘中國哉前年在
森彼得羅堡京城建設孔子廟禮制崇宏規畫遠大不惜厚幣優禮招致中國賢士大夫前往教化其人民
一若以仁義道德為重欲上追堯舜三代之遺風也者夫俄虎狼之國也其地遼闊其人獷悍嘗有併吞歐
亞囊括六合之心一旦尊崇孔子非果以我聖人之法為可行於蠻貊亦不過欲藉以籠絡華人之心耳乃
既以孔教施於國中又欲以俄文暢行於中國不知中國未嘗無深通俄文之人將來譯才之多寡國家作
育無方自有範圍不過曲成不遺之妙用不必俄人為之過慮也英人於我最為輯睦而不聞有請設專館
之事其他若法若德若美若比若意若奧若日若本京師同文館中不乏專習各國語言文字之人至若何教
化若何裁成悉由中國自主他國未嘗越俎代謀中國亦未許他人掣肘而俄人獨不憚其煩斷斷以俄文
館為念且親藩捐資於前礦師助款於後商人復以重地助作堂基何俄國官民同心協力好義急公若此
耶如謂中國樂有英才願供贊助恐彼族必無此雅意如謂預植人材以為己用此說亦未免荒渺無稽然
則俄人居心果何為乎昔孫公巫臣誘吳伐楚教之乘車教之戰陣然後得逞其志今俄人包藏禍心非真
欲智我民也亦非自廣其教也以為中國與我交涉日繁他日辦理兩國之事在在需人故以俄文館樹之
先聲開其風氣耳為中國計宜陽順其意陰戢其謀務使中國之政俄人不得而阻撓也中國之地俄人
得而吞併也中國之士俄人不得迫脅之以利或迫之以勢遂至甘為間諜輸我情實洩我機謀則異日學
人心不固士習澆漓大義不明或誘之以利或迫之以勢遂至甘為間諜輸我情實洩我機謀則異日學
民當不至若是之喪心病狂也彼俄人恐亦徒博此培植之名而已

督兼充辦理通商事務北洋大臣所有北洋各軍仍歸榮祿節制欽此○同日奉 旨蘇州織造仍著海豐
接管欽此○同日奉 旨廣忠桂祥恩佑現駐南苑所管正黃旗漢軍都統著裕德署理鑲白旗漢軍都統
著崑岡署理欽此○同日奉 旨蘇魯帖現駐南苑所管正白旗漢軍統領著鴻善暫行署理欽此○同日

奉旨明惠蘇利岱色景徵額現駐南苑鑲白旂蒙古副都統著彭壽署理鑲白旂漢軍副都統著溥倫署理鑲紅旂漢軍副都統著恩燾署理欽此

英法交涉案電音 ○本坡實得力太晤士西報接廿六日英京來電云英廷所轄之邦國大事記即英語呼為藍皮書者現經印出書內經將英法兩國因乃里河上游交涉之事所有往來文件概行錄入據此文件觀之則英國駐法公使文申於一千八百九十七年十二月間經向法國外部聲明乃里河一帶止有英國獨握其權可將地方割據至於別國則斷不得延其土地等語來電又謂西釐相國於前月間曾有電致駐法欽使着即照會法國外部拿加施云英軍現在經已戰勝加里花然則該部之地照例應歸英埃兩國所有等情相國又言此事本國業經決定即請照此施行斷不能再生別議云云而倫敦各報則異口同稱威頌西釐相國於花梳打一事能特立不撓各論并有言英法兩國現已機鋒相對將來必須一國肯為將就始能善了惟我英則已將此事之往來文件刊在新頒之藍皮書內是則有斷斷不能退讓之勢也其言如此然則英法兩國因此交涉之案恐又不免大費調停矣

急打羽因電報 ○本坡實得力太晤士西報接廿六日英京來電云急打羽因之議政院現已開門會議而急相士不力則仍留任惟其黨人之眾則不免較前畧為減少耳

美國電音 ○前電有言美國所屬馬尼沙土人為亂一事茲接廿六日英京來電謂此亂經已肅清矣

黃京卿拿問英人阻止要電 ○近日京師緝拿康黨凡平日與康交遊者無論結黨與否一律查拿黃公度京卿奉召入都將拜出使日本大臣之命經已行抵上海惟以政躬微有不適故尚未即北上然識者已隱為京卿危前日本坡浮里不來西報忽接專電云京卿在滬已被拘拿等語一時本坡人士聞之莫不駭然紛紛告說茲悉張弼士觀察已接上洋來電謂京卿在滬果被拿問惟英人出而力阻故尚未經歸案等情據此電音則京卿拿問之耗果真惟英人阻止一事該報之電向屬未經述及然則該報所傳僅得事之一半不知一進退間其事所差固甚遠也今京卿已為英人保護雖曰暫時逍遙事外然已冤沉莫白不禁為之黯然矣

美艦北行 ○近日京師情形異常沸亂各國均勒兵以觀動靜昨接文尼刺來信謂美國海軍提督尼維已在該戰艦隊內撥出巨鐵甲戰船二艘駛往津沽以觀機勢矣

養志難酬 ○日相伊藤往遊中原其志實欲設法以聯中東英美之好不意近日適值神京之變茲接前途信息謂伊藤相國現因時事如此知其所謀斷難如願故已離京而去矣可慨也哉

呂宋風電 ○小呂宋一地自電線割斷以來久無風電至於叻也迨昨始接呂宋來電謂現有颶風由柳順海面東南方迤東而起風勢如何來電尙未經詳及也

倭銀失色 ○實蘭表來信云該處國家經已出令禁止日本銀元入口然則南洋各地大有杜絕倭銀之勢矣再查日本銀元在於東瀛則於西七月三十一號以後即已不能通用若欲用之其價較前大減又查是日倭庫之內收存此等銀元計有廿六兆之多又查日本所鑄此等銀元共有一百六十二兆之數前日東瀛市上此等銀元每枚僅值八角七占之數而已

立調出操 ○實得力陸軍統領於昨二十七早忽然傳令將叻地所有諸兵立時調出一若立即開兵也者蓋欲藉此以覘軍勢若何也所幸諸軍久經節制接令之下登即出隊并無忙亂情形是亦可見平日訓練之精矣

遠人忠告 ○教士李提摩太君久居中國極望中國之振興數年前曾在上海設立廣學會著書多種欲開風氣乙未在京又曾上一疏所陳皆纏綿往復不憚煩言中國士大夫未有不愛敬之者茲李君回國數年於近日又再重到北京聞擬於日內至總署進呈一圖名曰瓜分中國圖此圖為外國所定之新圖與舊圖微有不同而更為不留餘地李君譯呈此圖又復繼之以說大畧謂此時即欲變法自強已恐緩不濟急為今之計須急與英美日三國定一確實聯邦之約先求足以圖存而後可言自振也至李君何日進呈政府諸公以為何如俟有確聞再行登錄

強賓壓主 ○旅順本係中國地方雖經租於俄人並非賣絕與彼該口海關稅之權自應仍歸中國轄理乃俄人意視旅順為己之屬土欲奪中國海關之權此則殊出情理之外想通商各國從旁不服必有違言諒一俄不足敵各國俄其知之否乎茲聞有俄商從阿送紫紫紫載運貨物至旅順於旅順海關如何納稅該商竟稟請聖彼得堡京城財務卿指示據財務卿答覆云旅順既歸俄人管轄應照俄國內地一律本國商人運貨來往例不納稅旅順一視從同俄人此舉固大得便宜然彼通商各國必有不甘各國商人既抱向隅之憾各國政府自必聯袂詰責俄人將何辭以對乎

山東產磁石 ○上海報言山東省內現在查得磁石山一所查此山情形足以開墾現時所尋得之磁石雖然為數無多則因居民不知以機器依法開採耳所獲之石其顆不大是以取價甚廉也

滬江消息 ○上海西報云湖北漢陽織布局現已裁減工夫春夏以來生理甚旺貨物多附沽四川近日川省有數巨賈倒盤以致無力出貨故織局存貨三千餘包該報又言中國與上海德商卡刺滑始公司定購快鎗甚夥為吳省所需由張香帥支給鎗費現有委員起解張香帥擬將鄂省城開寬街道每店退出三尺定每尺補價四十兩

英國國債 ○倫敦報云英國國債是年計有六百三十八兆二千六百六千四百八十二磅此數比去年畧減蓋去年計有六百四十四兆九千九百八十七磅也

裁冗置要續聞 ○湖北友人來信云前者兩湖總督張香帥擬在漢口添設夏口縣札飭漢陽府余太守分劃界址當經太守將界劃定稟請核奪連日香帥與司道各官一再籌商擬即學漢口水利同知改為夏口撫民同知遇有命盜要案均歸辦理以免紛歧至仁義禮智兩巡檢則一律裁去改設撫民廳司獄一員專司狴狴聞已定議不日即當上疏入告矣

蒙人阻止電線 ○北直來信云毗陵余易齋觀察隨帶電線工程員司工役人等於五月初抵蒙古庫倫地方本擬即行興工無如蒙俗俟佛風氣未開不知電線為何物且相傳以此線能引雷擊人因此胡土克圖喇嘛首先阻難當道諸公又不欲亟為調處以至往復再三一切車馬工役俾自官家其價至較市價倍蓰蓋皆喇嘛所咳也如此忍耐就事以為可以安靜矣不意開工之日該喇嘛即拘監工西人之蒙語通事該西人亟商之於俄駐庫領事請其調處俄人謝之以為不便而該喇嘛於此則刁難萬狀以為電桿尤難許其遠廟而行今必須更移設於極遠之處始可無事當道諸公非但不思阻止又從而揚其波觀其意趣大約非廣行賄賂飽其慾壑則電線無就工之日也夫 朝廷方以大開風氣為急務而該喇嘛世受 國恩乃敢無賴若此名為活佛其實則大背佛心矣

變格求才 ○上海報云城廂內外懸有關道禁告示一道大致謂奉南洋通商大臣 准總理各國事務衙門咨奉 諭旨各省士民等嗣後能著新書切于時事創造新器切於實用能自行出資及募集鉅資與辦學堂開設鎗炮各廠由總理衙門查驗確實自當奏請 特恩予以實職世職封銜等項并准分別專利若干年云云想我中國不乏聰明傑出之儔必有仰體朝廷破格求賢之意也

總署致江密劉制台杭州廖撫台電 ○奉 旨張之洞電悉該督遵設漢口商務局辦理迅速籌畫周詳深堪嘉尚江蘇候補道程儀洛著劉坤一廖壽豐飭令速赴湖北交張之洞差遣委用欽此 ○督轅張香帥于商務局應辦之事擬定八條一曰啓發二曰倡導三曰合力四曰塞漏五曰社習六曰保護七曰體卹八曰獎勵日前已札飭總辦王觀察遵照其札另登後幅

振興商務 ○武昌米訪友人云漢口為通商鉅埠前由湖廣總督張香壽制軍設立商務局委朱太守滋澤張司馬廣聽綜理其事惟規模初創向未能廣濶利源近日疊奉 諭旨遴派通達時務明白公正之員紳試辦商務香帥書畫再三擬就原有之勸工勸商局逐一擴充撤委王雪澄觀察兼 督辦并奏調江蘇候補道程雨亭觀察儀洛來鄂襄理有客抄示札文一道讀之覺規畫井然慮周藻密運而行之實有

是以商務漸興稱雄海外中國地大物博果能就地取材講求製造自可以暗塞漏卮不至利歸外溢著劉坤一張之洞陳派通達商務明白公正之員紳試辦商務事宜先就沿江沿海如上海漢口一帶查明所出物產設廠興工應如何設立商學商報商會各端并著切實講求等因欽此查此事乃今日要政上海為沿海總會漢口為上游要衝鐵路樞紐自應分設兩局除上海一局由兩江督部委員開辦外茲於漢口設立商務局以聯絡上游川陝雲貴湘粵等處工商為要義其商學商報商會及講求工廠製作商貨銷場等事江楚兩局各自籌辦遇有應行聯絡

協助之處隨時會商辦理雖分兩局仍為一氣應由本部堂與劉督部堂籌商酌辦所有應辦之事其要有八 一曰啟發商報商會商學皆係啓發之事商報係採訪沿江沿海各口岸暨本省鄰省土地所產人工所造如各貨市價銷路并譯各洋報所載商務兼譯西書之有關商務者期分出版商會係由本省紳董邀集各省各幫大商入局訂立商會或通函或登報互相考校以期聯絡協助力厚氣旺商學係考求製

貨理法銷貨道路綜核新式護商律例以及中外贏絀銀幣漲落各國嗜好各業衰旺情形自應設立學堂延師教習方能增長智術惟中國設立商學華人能任教習者尙無其人若延請西人經費太鉅且設堂經費亦屬不貲暫難舉辦惟有赴外洋學習東洋尤便商會中人願去者由稟請本部堂發給護照并咨明總署及出使大臣但須自備資斧 二曰倡導製造土貨需用機器華商不知成本若干有無利息未敢試辦

現擬除已設之紗布絲麻各局外其餘土貨之需用機器若牛皮骨角紙張竹器漆器蠟燭之類均可次第籌辦官籌本若干並借商款若干先設數廠令其觀感見有成效自知仿行或代為訪求製造之法及需用何項機器 三曰合力商務必集公司方能大舉一省商力不足合他省以益之且上游四川雲貴出產甚多而地勢較偏購機選匠種種不便機器運至川江以上實屬難易若造成後再運至下游行銷徒多耗費

至於陝甘河南兩廣湖南亦不如漢口地勢適中四達現擬於武漢一帶衝要地方購置地段以備入會者在此地段內購地造屋或設行棧或設機噐 四曰塞漏現在洋商亦准在內地設廠製造土貨無從禁阻華商更難覓生計即便日後續開固已著著落後莫若議與洋商合辦既免占我全利并可學其工藝亦足補救之一法 五曰社習中國商賈積習識陋見小亦思依仿新式辦運新貨而偷工減料以假亂真種種欺

免占我全利并可學其工藝亦足補救之一法 五曰社習中國商賈積習識陋見小亦思依仿新式辦運新貨而偷工減料以假亂真種種欺

偽以至外人割價退盤甚至無人過問其貨真價實之商反為所累甚有招集股分意存誣騙事未辦成資已用罄用是人人畏避公司難集必須明定賞罰以示勸懲 六日保護近日各省倒帳之案層見疊出漢口沙市已屬不少商局既設則未倒之先官為訪察防護既倒之後官為嚴追懲辦凡曾經倒塌之商照西例飭令報窮列諸商報使遠近咸知以後永不准更名經營 七日體恤嚴禁關卡留難需索所製土貨可以抵制洋貨者奏明減輕或暫免稅釐定明專利年限不准他商仿造 八日獎勵新創機噐暨捐資興辦商報商會商學及在外洋學成回華可資實用者奏明請獎總之不外於抵制洋貨仿洋式借助洋師三義從此著手方為有用內地商務大端由粗入精由近至遠其中事體煩博必須先立大概章程此後隨時變通務期妥善業由本部堂電奏派委湖北差委候補道王秉恩奏調江蘇候補道程儀洛總理其事奉 旨允准除另行遴委商董外合亟札委札到該道即便遵照總理漢口商務局事宜所有原設勸工勸商局即歸併此局之內務須查照上項指飭事宜認真籌辦一面將擬辦章程詳細具覆其上游各省應如何擇要設立分局之處亦即一併統籌稟候核示勿稍延緩切切此札

行劫被獲 ○潮人楊某乃曼坡巴勝新港主頗有餘資詎為盜匪垂涎因糾黨往為行劫定於本月初六夜舉事幸而事機不密被楊探知爰即密為部署將港脚大屋諸役概行調出并傳集各椒密圍丁壯等授以軍器派撥分守要隘即以軍法約之夜間九點鐘時果有盜賊十餘人各持器械悄然而至突入大屋則見空無一人因知中計爰即反奔楊即鳴號丁壯四路兜拿諸盜至是無可如何捨死格鬥約至二點餘鐘之久始漸敗逃因被圍丁執獲潮人張林等三名并認安人吳姓一名押送公庭刻猶未經訊定也

竊案詳臬 ○前報西人伊禮然勝土因西去年十一月十一號失去確石值銀三千元之車直至近日始經請票拘獲福清人林泉林清王福蘭又請傳票控告叻產潮人余文江余文漢等諸人一案廿七日已經府尊再訊訊畢後命將案詳解臬堂二余則着各覓保人署券二千元暫行保出餘三名則不准取保以昭慎重

驗屍兩則 ○昨有巡差在拋球場畔港傍查獲女屍一具屍年不過二十許係穿生綢衫褲手有約指耳有金環似為粵籍良家婦女遍體尚無損傷同日復有巡差在嘉興街前港中撈獲初生之男屍一具以上兩屍均已送院報聞請驗矣

賭案三則 ○廿七日巡理府堂訊賭案三則一在里峇峇釐路第五十八零三號門牌執獲計有潮人六名係為翻攤之局訊定後判各罰銀五元一在小坡柔佛路第九號門牌所獲計福清人九名係為估錢之局判各罰銀十元一在域多利街第三百三十三號門牌執獲計福清人七名係抹牌之局判各罰銀一元

訟庭瑣誌 ○閩人鄭宗控告同籍人林殿蔡十二名於案據稱住居加籠路第四百零一號門牌廿六早因挑椰子來坡發賣已將雙扉扇閉詎被林蔡二人攔門入竊因被竊得衣物值銀十九元適被伊弟所見因特鳴捕執之云云廿七日府尊訊畢命展至九月初五日移交兩堂會訊 ○閩之仙遊縣人林旺白德控其同籍人林自許軟二名於案據稱余等四人均由吉隆附搭昭丕耶輪船來叻寄寓源美棧內余二人有銀四百五十四元被林自所竊交與許軟收接云云同日府尊訊畢亦命展至初五日再訊 ○穆拉油人亞末住居惹蘭丕雙廿六夜被粵人黃亞合竊其門前之鉛水為槽末所見鳴捕執其解案同日府尊訊畢判黃監禁三閱月另笞十條

京報選錄 ○頭品頂戴山東巡撫臣張汝梅跪 奏為黃河伏汛盛漲異常上中兩游疊見漫溢謹陳大概情形並自請議處恭摺仰祈 聖鑒事竊查山東黃河工長面狹為甘秦晉豫各省眾水滙歸兩岸隄險卑薄河身淤高水勢稍大即不足以資容納每遇伏秋汛漲動輒漫溢出槽本年六月初五日准陝甘督臣陶模電稱蘭省西路大雨河水驟長丈許省城外各橋梁衝斷知照前來又學准河東河道總督臣任道鎔連次咨報陝州萬錦灘暨武陟沁河水勢陡長續漲至一丈有餘及二丈餘不等請一體防護各等因上流來源過旺東省河防處處岌岌可危當即飛飭上中下三游總辦督飭汛警委各員寬備物料多集勇夫晝夜防護遇有險工竭力搶辦去後旋值陰雨連綿各路山水暴發下注據各該營委紛紛稟報連日水勢迭漲有增無減盈隄拍岸洶湧異常實有防不勝防之勢及因雨水過多搶修各險土料用罄幾無乾土可尋臣聞報之餘萬分焦急逆計如此情形難期平安惟有羽檄馳飭嚴飭在工各員拚命搶奪力與水爭茲於六月廿二日先據總辦中游河工道員丁達意及承防營委先後稟報歷城南岸楊史道口民於於二十一日夜間漫溢未奪大溜復據連河道羅錦文電稟黃河上游南岸黑虎廟漫溢溜由壽張鄆城兩縣地界穿運河東洩仍入黃河未據該管委稟報正在飭查間復據壽張縣知縣莊洪列稟稱縣境楊家井臨隄漫溢平地水深盈丈被淹四百餘莊懇即派員散放急賑等情亦未據該管委稟報當因漫水浩大道路不通臣即飭賑撫局撥款購置乾糧席片派員分赴各被水地方查放急賑一面選派差弁前赴黑虎廟楊家井查看漫溢情形營委下落實報核辦伏念山東河防著名棘手河身淤墊日高又值陝甘上流洪水下注加以連旬連雨山水漲發同時並注營如水多孟小勢難杜其旁決橫流惟該總辦營委各員職有專司責無旁貸容即查明確實情形另行 奏參臣奉職無狀懼此奇災督率無方咎有應得相應先行請 旨將臣交部議處除督飭司道各員妥籌工賑事宜隨時 奏明辦理以資補救外所有黃河上中兩游疊見漫溢謹陳大概情形並自請議處緣由理合恭摺具陳伏乞 皇上聖鑒訓示謹 奏奉 硃批另有旨欽此

奏奉 硃批另有旨欽此

承頂聲明 ○啟者茲新嘉坡老爺官口街門牌第三十號號曰協勝春葉棹記葉殿記葉濛記三人自從丙申年間承協勝棧店底改號曰協勝春三人合夥造出舊銅鐵鉛錫器什貨之生理歷來無異至本年八月初十日因葉殿記志向別業請出公親葉元宏洪再興郭郭銖萬三人秉公特籌將全盤生理并往來賬項及店底家器什物概行總結明白葉殿記當公親面前言明願將生理份額本利銀抽出名下股聲註銷生理劃與葉棹記葉濛記二人承受任從葉棹記葉濛記振作日後協勝春得失與葉殿記無干涉其葉殿記份額銀項當公親面前業經領訖倘諸商翁故友若是與葉殿記交易往來無論先後惟向經手是問與協勝春毫無干涉先此聲明以免後論此佈
光緒二十二年八月二十八日
葉棹記葉濛記謹啟

海外壺天 ○藥酒豈有奇功哉市上懸壺余絕鮮沽而飲之即飲之亦無所益焉而孰知鐵中亦有錚錚者事緣余於月之初旬某夜睡起如廁秉燭下樓乃因風滅火立足不牢墜而傷手紅腫如瓠力不勝箸痛刺於心因即向傷科肆中購藥丸藥酒等急為調治絕不獲效而劇益轉增余於是更焦急萬分矣嗣得時雨軒主人朱子佩兄聞余傷手頗重因即將其軒中所製之軍中跌打藥酒二枝及跌打藥丸二粒命人送至余拜而受之因從其教以丸和酒服且敷之未幾覺痛漸止而腫亦微消因知其丸與酒之妙也敷服數次不一二日而手竟如故微斯妙藥為克藥此今而後余不敢謂市上懸壺之藥酒藥丸等均無所效也雖然該軒所製之藥丸藥酒均與別家不同余服別家之丸與酒而不驗嗣服該軒之丸與酒而應效如斯知子佩兄存心濟世固非與射利之徒所可同日而語也余感其德爰綴數言錄報藉誌不忘并願世有與余同病者知所求焉則可免無窮苦惱矣余更得而贈該軒之言曰海外壺天
大清光緒廿四年八月二十七日
鄧雁賓謹識

北慕娘國家招人承充餉碼告白
啟者茲北慕娘國家欲招人入票承充以下所列各餉碼其票當於西一千八百九十八年忽民末月十五號以前送交仙那港輔政司署以憑選擇至此餉碼係承充一千八百九十九年一載為期茲將各碼開列如左
鴉片烟餉碼 酒牌餉碼 當店餉碼 北慕娘出入口稅餉碼 北慕娘賭碼 所有一切詳細情形可向本行詢問便能知悉特此佈告
西一千八百九十八年九月二十四號
北慕娘國家駐紮新嘉坡代理人牙直里洋行謹啟

荷蘭總領事示 ○大荷蘭國駐叻總領事府尼城 為曉諭事照得西本年屋多末月十號及十一號有勿連木八十五久密棉打在巨港出投為此示仰商民人等知悉汝等有欲採購者其如期往投可也特此諭知
西一千八百九十八年九月十七號
示

土油出投 ○啟者茲定於西屋多末月十四號即華本月二十九日禮拜五上午八點鐘在丹戎隅福蘭公司土油棧內拍賣 土油一萬九千箱 諸君有合意購買者祈屆期 玉臨投買特此佈聞
大清光緒廿四年八月廿六日 大英一千八百九十八年十月十一號
吧越館主謹白

精製眼鏡告白 ○眼科之理甚微筆難闡述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中在刺付酒店第五十七號房中暫行寄寓諸君賜顧尚祈按址訪尋不勝幸甚
西歷一千八百九十八年十月十號
刺沙勝士謹啟

廈門平糶局告白 ○茲接三寶壠諸善士滙由建隆興號捐緣款來大銀陸千元容捐冊寄到當即將各善士芳名續為刊登
大清光緒二十四年八月二十五日
廈門平糶駐叻籌捐董事公啟

湖北賑捐告白 ○啟者本坡駐密陽會館之局現遷瓊州會館勸辦前日分設水仙門裕昌隆店蔡翁慰農代辦刻下在瓊館亦係該店代辦耳 諸君欲捐請到瓊州館裕昌隆兩處報捐可無悞矣
光緒廿四年八月廿五日
勸辦湖北賑捐委員李謹啟

賞格 ○特授三州府華民政務司正堂伊 為懸賞事照得現據潮人李學源稟稱伊係同治四年在叻坡溪墘門牌第十四號內生長為此出示諭知凡有確知該李學源係在何處生長者可即來署報明如果所報是實即賞花紅銀二十五元此示
光緒二十四年八月二十二日 大英一千八百九十八年十月七號
示

聲明告白
 ○啟者大馬路吉寧廟前第七十四號門牌乾生班鼓醬料雜貨生理及牛車水番寨尾第三十一零六號門牌廣全昌油生理原係林德循林欽衛林德球鄧遠發等自昔年合夥經營今猶合力分勞尚覺生財有道所以比日來各股友均已別圖設店各自分營然皆非乾生及廣全昌所分枝而別創也故即特字聲明如乾生及廣全昌有與各寶號取貨均有兩號圖章為憑外此無論各股所友私設之店號與各寶號取貨均惟經手是問不得互相牽引致後論也此佈
 光緒二十四年八月二十二日 大英一千八百九十八年十月十七號 乾生號廣全昌各股東等謹啟

移寓告白
 ○啟者余現已移寓在土庫煎芝亞里巷即舊麗如銀行邊前德律風公司巷內第一號門牌樓上辦理訟務倘遠近諸君不棄請臨惠然賜教祈即按址前來面商當不負其所託也此佈
 大清光緒廿四年八月十九日 阮添壽謹啟

草聖暫駐
 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售
 光緒廿四年七月十八日 啟

藥店召頂
 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得
 光緒二十四年七月初三日 叻報館代啟

新印台灣地圖寄售
 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也
 大清光緒二十四年五月十三日 本館謹啟

拍賣館
 啟者茲本館承 按察司之命 定於屋多末月十七號即華九月初三日禮拜一下午二點半鐘在本館內拍賣直落亞逸街門牌第一百號及一百零一號古友軒印字館及其所創之華字報名曰星報所有機器雜物及店底等計有印字機器之手印機器 畫格及印字頭之機 器 切紙及鑽孔機器 排字盤 銅條 鐵墨盤 中西鉛字 鉛字 鑄字機器 石版車及石版等物於拍賣之前四日內任人往看 諸君有合意者請如期前來投買其餘詳細情形另有西字錄明覽之便悉特此佈告
 光緒廿四年八月二十二日 吧越館主謹啟

時雨軒藥酒發售
 蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷痰每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒機號寄售
 大清光緒廿四年六月廿九日 時雨軒主人謹啟

新到上等機器油
 啟者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每担約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告
 大英一千八百九十八年八月十八號 軒轄珍目兄弟公司謹啟

店舖出稅
 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與諸君有欲稅住者請至墊邦路頭豐興號內向余詢問便得特此佈聞
 光緒廿二年十月廿四日 薛連錫謹啟

豐源號
 本號輪船往來各埠船期開列如左 在各埠往實叻日期
 由麻六甲往芙蓉每逢禮拜二六日中午十一點鐘開行
 由各埠回實叻之日
 由麻六甲回芙蓉每逢禮拜二五日上午十點鐘開行
 由芙蓉往吉隆坡每逢禮拜一五日下午四點鐘開行
 由芙蓉往吉隆坡每逢禮拜二六日下午六點鐘開行
 由吉隆坡回芙蓉每逢禮拜二四日下午四點鐘開行
 由麻六甲回實叻每逢禮拜二五日下午四點鐘開行
 豐源號謹啟

號期
 各輪船在叻往麻六甲吉隆坡實蘭午 等禮拜五日三點鐘開行特此佈


正金鐘標萬蘭池酒發客

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有參差本館鑒於前年叨地諸家之誤故有敢冒昧從事爰特按照欽定時憲由詳加校勘所有差餘氣節悉無訛舛庶得以仰副諸君子惠顧之殷至於圖畫之式亦已概改舊觀以期一新眼目諸君賜顧請移玉至本館面議價其相宜倘欲躉買更當格外從廉特此奉聞諸惟惠照

本館謹啓

鐵廚出售



啓者本行所售之鐵廚在本坡馳名已久素蒙各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極為美善本坡所有西人齊智人以及作椒蜜生理諸華商多向本行沽買以為貯銀之用因本行所沽者均用頂上物料製造而成不惟能壯觀瞻而且異常堅固無論火燒盜劫均可無虞貨美價廉莫此為甚倘君有欲購此廚以收藏重寶者可至本行選閱是幸此佈

英一千八百九十八年正月十三號
丕殺呼峇公司即前加珍洋行啟



啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華籍諸君有欲零沽者請至酒公司沽買便得如買成起以卸配往外處者仍可至本行沽買至此酒

所上有各票如無本行丕殺呼峇華字者即為假貨幸勿為之誤買本行有厚望焉

大英一千八百九十八年正月十三號
丕殺呼峇即前加珍洋行謹啟

製造之法精妙異常酒味甚清以之蒸釀者皆為上等之料保無偽克之弊此酒若飲甚屬合宜且價亦甚廉諸翁沽用須為留心辨明以免魚珠之混現

新嘉坡丕殺呼峇公司
專辦東木祖家頂上美酒發售
前係膠東木原庄諸君光顧認明印標


紅首冠仔標萬蘭池酒出售

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以諸君沽飲者均深譽譽現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字為憑庶免為魚珠之混是所切盼




大英一千八百九十七年二月十二號
丕殺呼峇即前加珍洋行謹啟

賣出酒蜜



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘 諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往並此佈聞
大英一千八百九十八年正月一號
光緒廿三年十二月十八日



賣發酒密烏




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏蜜酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應細看以上所列之狗頭標庶不致誤且價甚相宜倘 諸君有欲酷飲者請至本行取用可也此佈
英一千八百九十八年正月一號
光緒廿三年十二月十八日




敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至 惠臨購買是幸
英一千八百九十八年正月一號
大清光緒廿三年十二月十八日

明嗎也洋行謹啟

售發廚鐵名馳



嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為 諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用
有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商所喜購而本行每年所沽亦殊不鮮茲特為之錄佈倘 諸君有惠顧者祈即玉臨選購為盼 大英一千八百九十八年正月一號
大清光緒二十三年十二月十八日



明嗎也洋行謹啟

售出品三



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後 諸君購買本行白頭三品酒者請細認本號招牌之內有小紙包頭註明華字新嘉坡級明嗎也公司者始真若無此字樣即屬偽冒請為細認特此佈告 大英一千八百九十八年正月一號
明嗎也洋行謹啟